

## ■ PER LA DUMENGIA DA PALMAS

# Ideologias

TRANSLATÀ EN RG

Igl è fitg depriment da leger, quant crudaivel che umans van enturn in cun l'auter. I suonda ussa in rapport da giasetta, tge metodas da tortura che vegnan pratitgadas en champs da concentrasiun moderns: L'unfrenda blutta vegn liada vi d'ina sutga da metal. Successivamain vegni alura dà ad el pli e pli ferm culps da electricità, entochen ch'el confessa quai che vegn giaschà. Cun il maun chavortg pitga il boier sin l'ureglia d'ina unfrenda, schi ditg, enfin ch'il schumber d'ureglia schloppa.

In arrestà vegn lià sin ina sutga da dentist. Alura entschaiva il dentist a furar, enfin ch'el tutga sin in gnerv. I vegn furà enavant, schi ditg, enfin che l'unfrenda è pronta da cooperar.

Da sia natira e furma anora nun è l'uman insatge crudaivel. El daventa crudaivel sch'el è sventiraivel ni sch'el s'expona ad ina ideologia. Ina ideolo-

gia cunter l'autra; in sistem cunter in auter; ina religiuin cunter in'autra. E l'uman vegn spulverisà tranter quellas.

Il s umens che han cruzifitgà Jesus, nun eran probablamain umans crudai-vels. Il s medems umens che èn stats capavels da sviluppar tanta crudaivladad ed exequir terriblas metodas da tortura, «mo» per sustegnair in sistem, ina ideologia ni ina religiuin pon senz'auter esser stats buns consorts e babs affectus.

Fissan umans religius plitost seguids a l'instinct da lur cor enstagl a la logica da lur religiuin, alura fissan nus vegnids preservads da terribels aspects e crudaivladads. Per exempel vesair umans ardents sin il schaffot da laina ni vaivas e famigliars guardand tier a la cremaziun

da lur chars. Milliuns umans innocents èn vegnids mazzads crudaivlamain durant guerras.

Oz, èn nos temp modern, nun è quai auter. Fitg blers umans na suon- dan anc adina betg a l'instinct da lur cors.

